

黃氏逸書考

子史鈎沈

逸書考

魏文帝典論

甘泉黃奭學

文人相輕自古而然傅毅之於班固伯仲之間耳而固小之與弟超書曰武仲以能屬文爲蘭臺令史下筆不能自休夫人善於自見而文非一體鮮能備善是以各以所長相輕所短里語曰家有樊帚享之千金斯不自見之患也今之文人魯國孔融文舉廣陵陳琳孔璋山陽王粲仲宣北海徐幹偉長陳留阮

瑀元瑜汝南應瑒德璉東平劉楨公幹斯七
子者於學無所遺於辭無所假咸以自騁驥
驟於千里仰齊足而並馳以此相服亦良難
矣蓋君子審己以度人故能免於斯累而作
論文王粲長於辭賦徐幹時有齊氣然粲之
匹也如粲之初征登樓槐賦征思幹之元猿
漏卮員扇橘賦雖張蔡不過也然於他文未
能稱是琳瑀之章表書記今之雋也應瑒和
而不壯劉楨壯而不密孔融體氣高妙有過

人者然不能持論理不勝詞至於雜以嘲戲
及其所善揚班儔也常人貴遠賤近向聲背
實又患闇於自見謂己爲賢夫文本同而未
異蓋奏議宜雅書論宜理銘誄尙實詩賦欲
麗此四科不同故能之者偏也惟通才能備
其體文以氣爲主氣之清濁有體不可力强
而致譬諸音樂曲度雖均節奏同檢至於引
氣不齊巧拙有素雖在父兄不能以移子弟
蓋文章經國之大業不朽之盛事年壽有時

而盡榮樂止乎其身二者必至之常期未若
文章之無窮是以古之作者寄身於翰墨見
意於篇籍不假良史之辭不託飛馳之勢而
聲名自傳於後故西伯幽而演易周旦顯而
制禮不以隱約而弗務不以康樂而加思夫
然則古人賤尺璧而重寸陰懼平時之過已
而人多不強力貧賤則懼於饑寒富貴則流
於逸樂遂營目前之務而遺千載之功日月
逝於上體貌衰於下忽然與萬物遷化斯志

士之大痛也融等已逝惟幹著論成一家言

昭明文選卷五十二魏文帝典論論文○案

昔人引典論以博物志時代最居前今以昭
明所引全篇用弁於首魏志注帝
自序次之其他零簡以類編錄

帝自敘曰初平之元董卓殺主

一作

煇后蕩

覆王室是時四海旣困中平之政兼惡卓之

凶逆家家思亂人人自危山東牧守咸以春

秋之義衛人討州吁於濮言人人皆得討賊

於是大興義兵名豪大俠富室強族飄揚雲

會萬里相赴兗豫之師戰於滎陽河內之甲

軍於孟津卓遂遷大駕西都長安而山東大者連郡國中者嬰城邑小者聚阡陌以還相吞滅會黃巾盛於海岱山寇暴於并冀乘勝轉攻席卷而南鄉邑望烟而奔城郭覩塵而潰百姓死亡暴骨如莽時余年五歲上以世方擾亂教余學射六歲而知射又教余騎馬八歲而能騎射矣以時之多故一作多難故每征伐余嘗從建安初上南征荊州至宛張繡降旬日而反亡兄孝廉子修從兄安民遇害時

余年十歲乘馬得脫夫文武之道各隨時而
用生平中平之季長■旅戎之間是以少好
已馬於今不衰逐禽輒十里馳射常百步日
夕體倦心每不厭建安十年始定冀州歲貊
獻良弓燕岱獻名馬時歲之暮春勾芒司節
和風扇物弓燥手柔艸淺獸肥與族兄子丹
獵於鄴西終日手獲麀鹿九雉兔三十餘後
軍南征次曲蠡尙書令荀彧奉使犒軍見余
談論之末或言聞君善左右射此實難能余

曰將有常徑的有常所雖每發輒中非至妙也若夫馳平原赴豐艸邀狡獸截輕禽使弓不虛彎所中必洞胸斯則妙矣時軍祭酒張京在座顧或拊手曰善余又學擊劍閱師多矣四方之法各異惟京師爲善桓靈之間有虎賁王越善斯術稱於京師河內史阿言昔與越遊具得其法余從阿學之甚精熟嘗與平虜將軍劉勲奮威將軍鄧展等共飲宿聞展善有手臂曉五兵又稱其能空手入白刃

余與論劔良久謂言將軍法非也余願嘗好
之又得善術因求與余對時酒酣耳熱方食
芋蔗便以爲杖下殿數交三中其臂左大
笑展意不平求更爲之余言吾法急屬相
中面故齊臂耳展言願復一交余知其欲突
以取中也因僞深進展果尋前余卻腳鄒正
截其頰坐中驚視余還坐笑曰昔陽慶使淳
于意去其故方更授以秘術余亦願鄧將軍
捐棄故伎更受要道也一坐盡歡夫事不可

自謂已長余少曉持複自謂無對俗名雙戟
爲坐鐵室鑲楯爲蔽木戶後從陳國袁敏學
以單攻複每謂若神對家不知所出先曰若
逢敏於狹路直決耳余於他戲弄之時少所
喜惟彈碁畧盡其妙乃少爲之賦昔京師先
工有馬合鄉侯東方安世張公子嘗恨不得
與彼數子者對意林卷五引余嘗彈碁畧盡其巧少嘗作賦昔京師有東方安世張公子嘗恨不得與彼數子對之上雅好詩書文籍雖在
軍旅手不釋卷每定省從容常言人少好學

則思惠長則善忘長大而能勤學者惟吾與
袁伯業耳余是以少誦詩論及長而備歷五
經四部史漢諸子百家之言靡不畢覽所著
書論詩賦凡六十篇至若智而能愚勇而知

怯仁以接物恕以及人以付後之良史

魏志
武紀

注文紀注世說巧藝篇注史記索隱卷二十一
六司馬相如傳注藝文類聚卷七十四巧藝
部卷八十七菓部初學記卷九帝王部北堂
書抄卷三卷十卷十二帝王部太平御覽卷
九十三皇王部卷五百九十二文部卷七百
十四用部卷七百四十六工部卷九百七
十四菓部按此自敘似亦篇名魏志注太
平御覽二書所引較爲完善世說注等則畧

引數語北堂書鈔引
皆單句今竝錄之

太子篇序云余蒙隆寵忝當上嗣憂惶踧踖
上書自陳欲繁辭博稱則父子之間不文也
欲畧言直說則喜懼之心不達也里語曰汝
無白譽觀汝作家書言其難也

意林
卷五

欲納二女充備六宮佐宣陰陽聿修古義

文選

范蔚宗後漢書
皇后紀論注

惟建安二十四年二月丙午魏太子丕造百
辟寶劍長四尺二寸重一斤十有五兩淬以

清漳厲以鑑諸飾以文玉表以通犀光似流

星名曰飛景

藝文類文卷六十軍器部初學記卷十儲宮部太平御覽卷二

百四
三兵部

魏太子丕造百辟寶刀三其一長四尺三寸

六分重三斤六兩文以靈龜名曰靈寶其二

采似丹霞名曰含章其三鋒似嚴霜刀身劒

鉞名曰素質長四尺三寸重二斤九兩又造

百辟露陌刀一長三尺二寸重二斤二兩狀

似龍文名曰龍鱗刀

太平御覽卷三百四十六兵部又初學記卷十

儲宮部卷二十二 武部藝文類聚卷六十 軍器部北堂書鈔卷一百二十三 武功部皆引

三寶刀事而詆以御覽爲最詳備

昔者周魯寶赤刀孟勞楚越稱太阿純鉤余好擊劔善以短乘長故選茲良金命彼國工精而煉之至於百辟其始成也五色繞爐巨橐自鼓靈物彷彿飛鳥翔舞以爲三劔三刀三七首因姿定名以銘其拊惜乎不遇薛燭青萍也其三劔一曰飛景長四尺二寸二曰流采長四尺二寸三曰華鋌色似綵虹長四

尺二寸其三刀一曰靈寶長四尺二寸文似
靈龜二曰含章采似丹霞長四尺四寸三曰
素質長四尺三寸刀身而劒缺其三匕首一

曰清剛長二尺三寸光似堅冰二曰陽文長

二尺二寸重一斤六兩曜似朝日三曰龍鱗

狀似龍文

太平御覽卷三百四十六兵部又
藝文類聚卷六十軍器部北堂書

鈔卷一百二十二武功部卷一百二十三武
功部初學記卷二十二武功部文選張景陽七
命注並引造劍事語皆畧於御覽又二曰流
采三日華鋌書鈔作二曰華鋒三日流采又
華鋌色似采虹白帖卷二曰華鋒三日流采又
又書鈔曰楚國太阿徐氏七首上世名器又

魏文帝典論

八

文選注曰魏太子丕造素質堅而似霜造匕首理似堅冰語亦小異

昔周魯寶雍狐之戟屈盧之矛狐父之戈徐

氏匕首凡斯皆上世名器君子雖有文事必

有武備矣

藝文類聚同上軍器部太平御覽卷三百三十九兵部卷三百四十

六兵部

陳恩王辯道論云世有

世有下疑缺方士二字

吾王悉

招至之甘陸有甘始廬江有左慈陽城有卻

儉始能行氣儉善辟穀悉號三百歲自王與

太子及余之兄弟咸以爲調笑不全信之然

嘗試卻儉辟穀百日猶與寢處行步起居自若也夫人不食七日則死而儉乃能如是左慈修房中之術可以終命然非有至情莫能行也甘始老而少容自諸術士咸共歸之王

使卻孟節主領諸人

博物志卷五

王仲統云甘始左元放東郭延年行容成御婦人法竝爲丞相所錄間行其術亦得其驗降就道士劉景受雲母九子丸方年三百歲莫之所在武帝會御此藥亦云有驗劉德治

淮南王獄得枕中鴻寶秘書及子向咸共奇之信黃白之術可成謂神仙之道可致卒亦無驗乃以罹罪也

博物志同上

論卻儉等事曰潁川卻儉能辟穀餌伏苓甘陵甘始亦善行氣老有少容廬江左慈知補導之術竝爲軍吏初儉之至市伏苓價暴數倍議郎安平李覃學其辟穀餐伏苓飲寒水中瀉利殆至殞命後始來衆人無不鴟視狼顧呼吸吐納軍謀祭酒宏農董芬爲之過差

氣悶不通良久乃蘇左慈到又競受其補導之術至寺人巖峻往從問受闔豎真無事於斯術也人之逐聲乃至於是光和中北海王和平亦好道術自以當仙濟南孫邑少事之從至京師會和平病死邕因葬之東陶有書百餘卷藥數囊悉以送之後弟子夏榮言其尸解邕至今恨不取其寶書仙藥劉向惑於鴻寶之說君游眩於子政之言古今愚謬豈

惟一人哉

魏志華佗傳注又博物志卷五引議郎李暉學卻儉辟穀食至人之

逐聲乃至
于是數語

夫生之必死天地所不能變賢聖所不能免

文選劉孝標
辯命論注

饑餐瓊藥渴飲飛泉

文選郭景純
遊仙詩注

夫生之必死成之必敗然而惑者望乘風雲

冀與螭龍共駕適不死之國國卽丹谿其人

浮遊列缺翱翔倒景然死者相襲邱壟相望

逝者莫反潛者莫形足以覺也

文選注同上
按國卽丹谿

似李善所增非
非典論本文

喪亂以來漢氏諸陵無不發掘至乃燒取玉

柙金鏤體骨竝盡

文選張孟陽
七哀詩注

桓靈之際闕寺專命于上布衣橫議于下干
祿者殫貨以奉貴要名者傾身以事勢位茂
乎私門名定乎橫巷由是戶異議人殊論論
無常檢事無定價長愛惡與朋黨

意林
卷五

詩刺豔妻書誠晨婦司隸馮方女有國色避
亂揚州袁術登城見而悅之遂取焉甚寵之
諸婦教之曰將軍貴人重其志節宜數涕泣

示憂愁也若如此加重馮氏後每見術遂

一作

垂

泣術果以謂有心益寵之諸姬乃共絞殺

之懸之於廁言其哀怨自殺術以其不得志

而死厚加殯殮

藝文類聚卷十八太平御覽三百八十一引至此文亦稱

異

袁紹妻劉氏甚妬忌紹死未殯劉氏殺其

妾五人恐死者有知復能寵之髡頭黑面以

毀其容

意林卷五魏志袁紹傳注後漢書袁紹傳注太平御覽卷三百六十五引

自袁紹妻劉氏

至死髮黑面

袁譚長而惠尙少而美紹妻劉氏愛尙數稱

其才紹亦奇其貌欲以爲後未顯而紹死紹妻劉性酷妬紹死僵尸未殯寵妾五人劉盡殺之以爲死者有知當復見紹於地下乃髡頭墨面以毀其形尙又爲盡殺死者之家

魏志

袁紹傳注後漢書袁紹傳注引自袁紹妻劉氏性酷妬至末太平御覽卷三百六十五人事部引與後漢注微異而無末九字

上洛都尉王琰獲高幹以功封侯其妻哭於內爲琰富貴更娶妾故也

藝文類聚卷三十五人部太平御覽

卷四百八十七人事部又見
意林卷五無獲高幹三字

劉表疾病其子琦還省疾琦性慈孝蔡瑁張允恐

表父子相感更有託後之意謂曰

將軍命君撫臨江夏爲東國藩其任至重今釋衆而來必見譴怒傷親之歡心以增其疾非孝敬也遂過於戶外使不得見琦流涕而

去

魏志劉表傳注太平御覽卷五百十六宗親部

荆州牧劉表跨有南土子弟驕貴並好酒爲

三爵

意林驕貴下作以酒器名三爵

大曰伯雅次曰仲雅小

曰季雅伯受七升仲受六升季受五升又設

大減於坐端客有醉酒寢地輒以劊刺驗其

醒醉

意林卷五引止此升作勝無次曰小曰四字

是酷於趙敬侯

以筒酒灌人大駕都許使光祿大夫劉松

北鎮袁紹軍與紹子弟日共宴飲嘗以錢夏

三伏之際晝夜酣飲極醉至於無知云以避

一時之暑二方化之故南荆有三雅之爵河

朔有避暑之飲

太平御覽卷四百九十七人

三字

七百六十器物部引劉表諸子好酒

造三爵大曰伯雅中曰中雅小曰季雅卷八

百三十資產部引劉表子弟好酒設大針於

坐端有罪狀者輒刺驗其醉醒又初學記卷

三歲時部亦引
避暑之飲一事

孝靈帝末朝政墮廢羣官有司並湎於酒貴

戚尤甚斗酒千錢常侍張讓子奉爲太醫令

與人飲去衣露形爲樂

太平御覽卷八百四十五飲食部又北堂

書鈔卷一百四十八酒食部

中常待張讓子奉爲太醫令與人飲酒輒裂

引衣裳發露形體以爲戲樂將罷又亂其舄

履使小大差踣無不顛倒僵仆踈跌手足因

隨而笑之

太平御覽卷二百二十八職官部卷四百九十七人事部卷六百九

二十七服
章部

雜場令郭珍居財巨億

一作家
有巨億

每暑夏召客

侍婢數十盛裝飾被羅縠破之袒裸其中使

進酒

太平御覽卷四百七十二人
事部卷八百四十五飲食部

酒以成禮過則復敗而流於沉湎故作酒誨

以戒之

北堂書鈔卷一百
四十八酒食部

夫陰陽交萬物成君臣交邦國治士庶交德

行光同憂樂共富貴而友道備矣

初學記卷
十八人部

急賢甚於饑渴用人速於順流

北堂書鈔卷
十一帝王部

太平御覽卷八

十八皇王部

結繩而治

北堂書鈔卷十五帝王部

洽和萬國

北堂書鈔同上

法者主之柄吏者民之命法欲簡而明吏欲

公而平

意林卷五

主與民有三求求其爲已勞求其爲已死求

其爲已生

意林同上

序云佞邪穢政愛惡敗俗國有此二事欲不

危亡不可得也

意林同上

堯崩舜避堯子于南河之南舜崩禹避舜子于陽城禹崩益避禹子于箕山之陰事見史

記

意林卷五

孝文帝慈孝寬洪仁厚躬修元默以儉率下奉生送終事從約省美聲塞於宇宙仁風暢

於四海

太平御覽卷八十八皇王部

孝武帝承累世之遺業遇中國之殷阜府庫餘金帛倉庫畜腐粟因此有意乎減匈奴而得清邊境矣故卽位之初從王恢之畫設馬

邑之謀自元光以迄征和四五十載之間征

匈奴四十餘舉盛餘踰廣漢絕梓嶺封狼居

禪姑幕梁北河觀兵瀚海刈單于之旗勦閼

氏之首探符離之窟掃五王之庭

北堂書鈔卷十三引

作劉單于之旗探符離之窟踰長城之阻登單于之臺與此不同

納休屠昆

邪之附獲祭天金人之寶斬名王以千數馘

首虜以萬計旣窮追其散亡又摧破其積聚

虜不暇於救死扶傷疲困於孕重墮隕元封

初躬抗武節


北堂書鈔卷十三引躬抗武節作射秉武節

告以天

子自將懼以兩越之誅彼時號爲威震匈奴

矣

執文類聚卷十二帝王部太
平御覽卷八十八帝王部

或有方周成王於漢昭帝者余爲周氏體
聖考之作氣稟賢姚之胎教周召爲保傅呂
尙爲太師故咳笑必含仁義之聲觀聽必覲
禮義之容宏踐祚之義隆太平之化禮樂興
於上頌聲作於下時成王年二十二享國三
十年世永治長德與年豐夫孝昭父非武王
母非邑姜體不承聖化不胎育保無仁孝之

德佐無隆平之治所謂生深宮中長婦人手
矣德與體並智與性成孝昭之崩年二十有
一承衰弊之世牧彫落之民臣無潛身之智
身有短折之期欲高隆周豈不謬哉

太平御覽卷四

百四十七
人事部

或問屈原相如之賦孰愈曰優遊案衍屈原
之尚也窮侈極妙相如之長也然原據託譬
喻其意周旋綽有餘度長卿子雲意未能及

北堂書鈔卷
一百藝文部

議郎馬融以永興中帝獵廣城融從是時北

州遭水潦蝗蟲融撰上林頌以諷

魏文類聚卷一百六

部異

李尤字伯仁少以文章顯賈逵薦尤有相如

楊雄之風拜蘭臺令史與劉珍等共撰漢記

北堂書鈔卷六

十二設官部

君子謹乎約已宏乎接物

文選陸士龍大將軍燕會詩注任彥

昇王文憲集序注

如彼登山乃勤以求高如彼浮川乃勤以求

遠惟心弗勤時亦靡刻

意林卷五

應瑒云人生固有仁心答曰在親曰孝施物

曰仁仁者有事之實名非無事之虛稱善者

道之母羣行之主

意林同上

人形性同於庶類勞則早斃逸則晚死

意林卷五

夷吾侈而鮑叔廉此其志不同也張竦潔而

陳遵汚此其行不齊也

意林同上

汝南許劭與族兄靖俱避地江東保吳郡爭

論於太守許貢坐至於手足相及

太平御覽卷四百九

十六人
事部

魏文帝典論

六

子史鈎沈

逸書考

楊泉物理論

日泉黃爽學

天者旋也均也積陽爲剛其體迴旋羣生之所大仰

北堂書鈔天部

太平御覽大部

楊雄非渾天而作蓋天圓其蓋左轉日月星辰隨而東西桓譚難之雄不解此蓋天者復難知也

太平御覽天部

元氣皓大則稱皓天皓天元氣也皓然而已無他物也

太平御覽天部

儒家立渾天以追天形从車輪焉周髀立天

案天上應有蓋字

言天氣循邊而行從磨石焉斗極

天之中也言天者必擬之人故自臍以下人

之陰也自極以北天之陰也所以立天地者

水也成天地者氣也水土之氣升而爲天

案水

土句又見初學記天部

天者君也夫地有形而天無體

譬如灰焉煙在上灰在下也渾天說天言天

如車輪而日月旦從上過夜從下過故得出

卯入酉或以斗極難之故作蓋天言天左轉

日月不行皆緣邊爲道就渾天之說則斗極不正若用蓋天則日月出入不定夫天元氣也皓然而已無他物焉

太平御覽天部

自極以南天之陽自極以北天之陰

北堂書鈔天部

北極天之中陽氣之北極也極南爲太陽極北爲太陰太陰則無光太陽則能照故爲昏

明寒暑之極也

史記天官書索隱

北堂書

日者太陽之精也夏則陽盛陰衰故晝長夜短冬則陰盛陽衰故晝短夜長氣之引也行

陰陽之道長故出入卯酉之北行陰陽之道短故出入卯酉之南春秋陰陽等故日行中平晝夜等也

太平御覽天部

月水之精潮有大小月有虧盈

北堂書鈔天部

上弦月從下侵

北堂書鈔天部

日月之口爲星辰星辰生於地

太平御覽天部

京房說月與星至陰也有形無光日照之乃

光如以影照日而有影見

藝文類聚天部

星者元氣之英也漢水之精也氣發而昇精

華上浮宛轉隨流名之曰天河一曰雲漢衆

星出焉

詩小雅正義
平御覽天部

北堂書鈔天部 太

星元氣之精日精也二十八宿度數有數故

謂恒星

太平御覽天部

斗極所以成寒暑

北堂書鈔天部

歲行一次謂之歲星則十二歲而星一周天

也

史記天官書索隱

豈有太乙之君坐于庶人之座魁罡之神存

于匹婦之室

意林

風者陰陽亂氣激

案文選風賦注引作擊

發而起者也

猶人之內氣因喜怒哀樂激越而發也故春

氣溫其風溫以和喜風也夏氣盛其風燥以

怒怒風也秋風勁其風清以直清風也冬氣

口其風慘以烈固風也此四正之風也又有

四維之風東北明庶物出幽入明也東南

融風以道以長也西南清和萬物備成也西

北不周方潛藏也此八風者方土異氣疾徐

不同和平則順違逆則凶非有使之者也氣

積自然怒則飛沙揚礫發屋拔樹喜則不搖
枝動草順物布氣天下之性自然之理也
御覽天部 事類賦天部注

積風成雷

北堂書鈔天部
藝文類聚天部

秘學記天部
太平御覽天部

事類賦天部注

風清熱之氣散爲電

北堂書鈔天部
御覽天部

案北堂書

鈔引作熱氣散而爲電

軒轅主雷雨之神

北堂書鈔天部

雲雨于是乎出霜雪于是乎降

北堂書鈔天部

疇昔神農始治農功正節氣正寒溫以爲早

晚之期故立厯日

藝文類聚歲時部 事物紀原一 案事物紀原又

引神農立厯日

正月朝四面黃氣兵歲大豐此黃帝用事土

氣均和四方並孰

太平御覽歲時部

陽盈而過故致旱

藝文類聚災異部 太平御覽咎徵部

地者底也底之言著也陰體下著也

爾雅釋文

地者卦曰坤其德曰母其神曰祇亦曰媪大

而名之曰黃帝祇小而名之曰神州亦曰后

上 初學記地部 太平御覽地部

其神曰祗祗成也百生萬物備成也其卦爲坤其德曰母地形有高下氣有剛柔物有巨細味有甘苦鎮之以五岳積之以邱陵播之以四瀆流之以四川蓋氣自然之體也地發黃泉周伏迴轉以生萬物地者天之根本也形西北高而東南下東西長南北短其盡四海者也 北堂書鈔地理部 太平御覽地部

凡居地有大利而無小害者上也也

初學記地理部

太平御覽地部

陸田者命懸于天人力雖修水旱不時則一
年之功棄矣水田制之由人人力苟修則地

利可盡

意林

游澗爲土土氣合和而庶類自生

太平御覽地部

夫土地皆有形名而人莫察焉有龜龍體有
麟鳳兒有弓弩勢有斗石象有張舒形有塞
閉容有隱真之安有累卵之危有膏英之利
有墉塙之害此四形者氣勢之始終陰陽之

所極也

初學記地理部

事類賦地理部

形有高下氣有剛柔

北堂書鈔天部

炎氣鬱蒸地之張也秋風蕩生地之閉也

書鈔天部

定寧無不載廣厚無不容

北堂書鈔天部

土精爲石

藝文類聚地部

石氣之核也氣之生石猶人筋絡之生爪牙

也

初學記地理部

必得崑山之玉而後寶則荆璞無夜光之美

必須南國之珠而後珍則隋侯無明月之稱
意林

所以立天地者水也夫水地之本也吐元氣
發日月經星辰皆由水而興
太平御覽地部

九州之外皆水也余昔在會稽仰看南山見
雲如瀑練方數丈其聲如硠礚須臾山下居
民驚駭洪水大至
太平御覽地部

河色黃
案白帖引作黃亦象者衆川之流蓋濁之也百

里一小曲千里一曲一直矣
水經注河水太平御覽地部

堯世洪水民登木而棲懸釜而爨

太平御覽
器物部

九州變易交錯不同禹貢有梁州無并州周
官有并州無梁州爾疋有營州無青州漢興
武帝開拓三方立十三州通并梁之數而增
交益焉

太平御覽州郡部

買宅者先卜鄰焉

初學記居處部
太平御覽州郡部
白帖

買鄰之直貴于買宅

太平御覽州郡部

故人之在孕者總其名籍上之天府天子立
金匱玉閣命司錄以監省之

太平御覽居處
部

夫齒者年也身之實也藏之釜鑿調諧五味

以安性氣者

太平御覽人事部

咽喉者生之要孔

太平御覽人事部

腸胃五藏之府陶冶之大化也

太平御覽人事部

長人數丈身橫十畝四臂共骨老人生角男

女變化何益於賢愚耶

意林

相者曰三亭九候定於一尺之面愚智勇怯

形于一寸之目天倉金匱以別富貴貧賤

意林

人含氣而生精盡而死死猶漸也滅也譬如

火焉薪盡而火滅則無光矣故滅火之餘無

遺炎矣人死之後無遺魂矣

初學記禮部
太平御覽禮儀

部

人之涉世譬如奕碁苟不盡道誰無死地但

不幸耳

意林

古者尊祭重神祭宗廟追養也祭天地報往

也

藝文類聚禮部

三皇貴道而尚德五帝先仁而後義三王先

義而後辭

意林

使民主養民如蠶母之養蠶則其用豈徒絲蠶而已哉

太平御覽資產部

語曰上不正下參差古者所以不欺其民也
割剝富強以養貧弱何異餓耕牛乘馬而飽
吠犬棄干將而礪鉛刃也

意林

天地成歲也先春而後秋人君之治也先禮
而後刑

意林

姦與天地俱生自然之氣也人主以政禦人
政寬則姦易禁政急則姦難絕

文苑英華

威行法明漏吞舟之魚法不明則類於細櫛
細節可慝生也

太平御覽服用部

人之性如水焉置之圓則圓置之方則方澄
之則渟而清動之則流而濁先王知中流之
易擾亂故隨而教之謂其偏好者故立一定
之法

意林

塞一蟻孔而河決息施一車轄而覆乘止立
法令者亦宜舉要

意林

秉剛而目自張執本而末自從善賞者賞一

善而天下之善皆勸善罰者罰一惡而天下

之惡皆除矣

意林

止響以聲逐影以形姦爭流蕩不知所止也

意林

漢太宗除肉刑匹夫之仁也非天下之仁也

不忍殘人之體而忍殺人故曰匹夫

意林

救嬰孩之疾而不忍鍼艾更加他物以至死也今除肉刑者更衆何異服他藥也肉刑雖斬其足猶能生育也張蒼除肉刑每歲所殺

萬計鍾繇復肉刑歲生二千人也名肉刑者

猶鳥獸登俎而作肉

意林

今有弱子當陷大辟問其慈父必乞以肉刑代之苟可以生易死也有道之君能不以此加百姓乎蛇螫在手壯夫斷其腕謂其雖斷不死也

意林

曹義

一作義

曰繫馴駒以驂絆御悍馬以腐索

今制民以輕刑亦如此也

意林

入粟補吏是賣官也罪人以贖是縱惡也

意林

夫有公心必有公道愛己者不能不愛憎己者不能不憎民富則安鄉重家敬上而從教貧則危鄉輕家相聚而犯上飢寒切身而不行非者寡矣

意林

妄進者若卵段石逃誅者若走赴深

意林

吏者理也所以理萬機

案理字北堂書鈔引作助

平百揆

也武士宰物猶使狼牧羊鷹養雛也是以人

主務在審官擇人

藝文類聚職官部御覽職官部羽族部

太平

世質則官少時文則吏多有虞氏官五十夏

后氏官一百殷有二百周有三百

意林

國典之墜猶位喪也位之不建名理廢也

意林

高祖定天下置丞相以統文德立大司馬以

統武事爲二府焉

藝文類聚職官部

廣韻

但知管子借耳

案此下疑脫目字

于三下不知堯借

人心而後用其耳目

意林

構大廈者先擇匠而後簡材治國家者先擇

佐而後定民

意林

在金石曰堅在草木曰緊在人曰賢千里一

賢謂之比肩賢人爲德體自然也故語曰黃

金累千不如一賢

藝文類聚
人部

太平御覽

夫清忠之士乃千人之表萬人之英得其人

則事易于反手不得其人則難于拔筋

太平御覽

人事部

龍舟整楫王良不能執也驥騄齊行越人不

能御也各有所能

意林

伊尹耕于莘孰知非夏之野人呂尙釣于

渭濱孰知非殷之漁者遇湯武文王然後知

其非也

意林

形之正不求影之直而影自直聲之平不求
響之和而響自和德之崇不求名之遠而名
自遠

意林

語曰士非玉璧談者爲價

藝文類聚寶玉部

以譽取人則權勢移于下而朋黨之交用以
功進士則有德者未必授而凡下之人或見
任也君子內洗其心以虛受人外設法度立
不易方今人稱古多賢患世無人退不三思

坐語一世豈不惑耶

意林

公卿大夫刻石作碑鐫石作虎碑虎崇僞陳
于三衢妨功喪德異端並起撞亡秦之鐘作
鄭衛之樂欲以興治豈不難哉

意林

賞不避疏賤罰不避親貴貴有常名而賤不
得冒尊有定位而卑不敢踰經之以道德緯
之以仁義織之以禮法既成而後用之謂有
孝廉秀才之貢或千里望風承聲而舉故任
實者漸消積虛者日長

意林

夫欲定天下而任小人猶欲

案太平御覽引作於

捕麋

案意林引作麋

鹿而兔苴不可得也

案四字從意林增

兔苴

不能擊麋鹿猶小人不能任大事

意林太平御覽資

產部

趙堯錐鑽之吏能探心致位丞相

太平御覽器物部

割地利己天下讐之推心及物天下歸之以

信接人天下信之不以信接人妻子疑之見

疑妻子難以事君君子修身居位非利名也

在乎仁義

意林

人皆知滌其器莫知洗其心

意林

君子審其宗而後學明其道而後行或云立
衡以善詩至宰相張禹以善論作帝師豈非
儒學之榮乎傅子曰學以道達榮不以位顯

意林

面歧路者有行迷之慮仰高山者有飛天之
志或乘車馬而至秦者所謂形異而實同也

意林

辨上下者莫正乎位興國家者莫貴乎人統

內外者莫齊乎分宣德教者莫明乎學

意林

人之學如渴而飲河大飲則大盈小飲則小

盈大觀則大見小觀則小見

意林

擬金人銘作口銘曰神以感通心由口宜福
生有兆禍來有端情莫多妄口莫多言蟻孔
潰河淄川傾山病從口入患自口出存亡之
機開闢之術口與心謀安危之源樞機之發
榮辱隨焉

意林

見虎一毛不見其珩道家笑儒者之拘儒者

唯道家之放皆不見本也

意林

傅子曰聖人之道如天地諸子之異如四時

四時相反天地合而通焉

意林

夫五經則四海也傳記則四瀆也諸子則涇渭也至于百川溝洫畎澮苟能通陰陽之氣達水泉之流以四海爲歸者皆溢也

北堂書鈔藝文

部 太平御覽學部

語曰能理亂絲乃可讀詩余雖無治絲之能

而悟聞詩之義

太平御覽學部 藝文

魯恭王壞孔子舊宅得周書闕無冬官漢武
購千金而莫有得者遂以考工記備其數
御覽學部

禮者履也律也義同而名異五禮者凶軍
賓嘉也

藝文類聚禮部

太平御覽禮儀部

禮云繼父服齊衰傅子曰月拾已父更嫁他
人與已父絕甚于兩夫也又制服恐非周孔
所制亡秦焚書以後俗儒造之

意林

論語聖人之至教王者之大化鄉黨篇則有

朝廷有儀聘享之禮堯曰篇則有禪代之事

意林

楚漢之際有好事者作世本上錄黃帝下逮

秦漢

意林

班固漢書因父得成遂沒不言彪殊異馬遷

也

意林

吾觀班固漢書論國體則飾主闕而抑忠臣

敘世教則貴取容而賤直節述時務則謹辭

章而畧事實非良史也

意林

夫文采之在人猶榮華之在草

意林

暗若春華之並發馥若秋蘭之俱茂

意林

平子二京文章卓然

文選西京賦注

夫虛無之談

案太平御覽中牙部引作太虛元年誤

尙其華藻

無異春鼃秋蟬聒耳而已

太平御覽學部

夫論事比類不得其體雖飾以華辭又以美

言無異錦繡衣掘株管弦樂土梗非其趨也

太平御覽布帛部

夫解小而引大了淺而伸深猶以牛刀割雞

長及刈薺

太平御覽菜茹部

樹上懸瓠非木實也背上披裘非脊毛也此

似而非

意林

經巨海者終年不見其涯測虞淵者終世不

知其底故近者不可以度遠也

意林

九日養親一日餓之豈得言孝飽多飢少固

非孝乎穀馬十日一日餓之馬肥不損于義

無傷不可同之一日餓母也

意林

大孝養志其次養形養志者盡其和養形者

不失其敬

意林

墨子兼愛是廢親也知喪是忘愛也

意林

傅子云孟軻孫卿若在孔門非唯游夏而已
乃冉閔之徒也

意林

聞一善言見一善事行之唯恐不及聞一惡
言見一惡事遠之唯恐不速

意林

懸千金于市市人不敢取者分定也委一錢
于路童兒爭之者分未定也

意林

檢身止欲無過于蚓此志士所不及也

太平御覽

虫豸部

楊泉物理論

十七

范蠡字少伯楚三戶人也使越滅吳已後乘
輕舟遊五湖王令人寫其狀恒朝禮之列仙
傳云徐人也意林

傅氏之先出自陶唐傳說之後立字休奕子
咸字長虞晉書有傳意林

呂子義當世清賢士常往友人處

案太平御覽引作有

田人嫌其設酒食懷乾糒而往

案以上又見北堂書鈔

人榮其降乃盛爲饌義出懷中乾糒求

一杯冷水食之

太平御覽人事部飲食部

今有呂子義清賢士爲率更令有人就之宿非其度數之內子義燃燭危坐通曉日不轉睛膝不移處

太平御覽人事部

呂義爲太子率更令嚴毅清高

北堂書鈔設官部

漢末有管秋陽者與弟及伴一人避亂俱行天雨雪糧絕謂其弟曰今不食伴則三人俱死乃與弟共殺之得糧達舍後遇赦無罪此人可謂善士乎孔文舉曰管秋陽愛先人之

遺體食伴無嫌也苟侍中難日管秋陽貪生
殺生豈不罪邪文舉曰此伴非會友也若管
仲啖鮑叔貢禹食王陽此則不可向所殺者
特鳥獸而能言耳今有大齧一狸狸齧一鸚
鵡何足怪也昔重耳戀齊女而欲食狐偃叔
敖怒楚師而欲食伍參賢哲之忿猶欲啖人
而況遭窮者乎

意林

積薪若山縱火其下火未及燃一杯之水尙
可滅也及至火猛風起雖傾河海不能救出

秦昭王是積薪而縱火其下始皇燃而方熾

二世風起而怒也 意林

秦人觀山東之民猶猛虎之睨羣羊何隔憚

哉 意林

始皇遠遊並海而不免平臺之變及葬驪山

尋見發掘令有鉛錫之鋌雖歐冶百鍊猶不

如瓦刃有駑鈍之馬雖造父駕之終不及飛

兔絕景質鈍故也土不可以作鐵而可以作

瓦 意林

秦始皇起驪山之冢使蒙恬築長城死者相
屬民歌曰生男慎勿舉生女哺用餽不見長
城下尸骸相支柱其冤痛如此矣蒙恬臨死
曰夫起臨洮屬遼東城塹萬餘里不能不絕
地脉此固當死也

水經注河水 太平御覽
樂部

始皇塚令人作機弩有人穿者卽射之以人

魚膏作燭

意林

漢高祖度闊而網疏故後世推誠而簡直光
武彘一而網密故後世守常而禮義魏武糾

亂以尙猛天下修法而貴理

意林

光武鳳翔于南陽燕雀化爲鵠雛二漢之臣
煥爛如三辰之附長天長平之卒崑落如秋
草之中繁霜勢使然也

意林

傅子曰諸葛亮誠一時之異人也治國有分
御軍有法積功興業事得其機入無遺刃出
有餘糧知蜀本弱而危故持重以鎮之若姜
維欲速立其功勇而無決也

意林

我欲戰而彼不欲戰者我鼓而進之若山崩

河溢當其衝者摧值其鋒者破所謂疾雷不

暇掩耳則又誰禦之

意林

吳起吮瘡者之膿積恩以感下也史記云吳起吮癰晝戰日相見夜戰耳相聞得利同勢

失利相救

意林

漢末黃門張讓段珪等于靈帝幄後相對泣

帝驚問尙復幾時哉于是大收諸黨

太子御
服用

部

黃巾被服純黃不將尺兵肩長衣翮言舒步

所至郡縣無不從是日天大黃

漢書五行志

世傳有夫死而婦許不嫁者誓以繡衣襪以衣尺納諸棺焉後三年婦出適迎有日矣有行道入夜求人家宿晨向主人語婦約之辭寄所誓之衣日子到千里當許之還此衣焉王者出門到所言處果見迎車具以事告還其繡衣婦遂自經而死

太平御覽布帛部

昔燕趙之間有三男共娶一女生四子後爭訟廷尉奏云禽獸生子逐父宜以子還母尸

三男子市

意林

逐兔之犬終朝尋兔不失其迹雖見麋鹿不

暇顧也

意林

夫醫者非仁愛不可託也非聰明理達不可任也非廉潔淳良不可信也是以古之用醫必選名姓之後其德能仁恕博愛其智能宣暢曲解能知天地神祇之次能明性命吉凶之數處虛實之分定逆順之節原疾疢之輕重而量藥劑之多少員微達幽不失細微如

是乃謂良醫且道家則尙冷以草木以冷生
醫家則尙温以血脉以煥通徒知其大趣不
達其細理不知剛柔有輕重節氣有多少進
退盈縮有節口也名醫達脉者求之寸口三
候之閒則得之矣度節氣而候温冷參脈理
而合輕重量藥石皆相應此可謂名醫醫有
名而不良者有無名而良者人主之用醫必
參知而隱括之

初學記政理部

凡病可治也人不可治也體羸性弱不堪藥

石或剛暴狷急喜怒不節或情慾放縱貪淫嗜食此皆良醫不能加功焉夫君子病也猶可爲也必使無病也不可爲矣蓋謂節其飲食量其多少也

太平御疾病部

趙簡子有疾扁鵲診候出曰疾可治也而必殺醫焉以告太子太子保之扁鵲領石而入人而著履登牀簡子大怒便以戟追殺之扁鵲知簡子大怒則氣通血脈暢達也

太平御覽疾病部

部

穀氣勝元氣其人肥而不壽

案二句見太平御覽人事部

元氣勝穀氣其人瘦而壽

案二句从太平御覽疾病部引增

養性之術常使穀氣少而病不生矣梁者黍

稷之惣名

句又見太平御覽穀部

稻者漑種之總名菽

者衆豆之惣名

案二句見藝文類聚穀部

三穀各二十種

爲六十蔬果之實助穀各二十凡爲百穀故

詩曰播厥百穀者穀種衆種之大名也

初學記寶

器部

太平御覽穀部

稼借耕也穡猶收也古今之言云爾稼農之

本稽農之末農本經而末重前緩而後急祿
欲少稽欲多耨欲緩收欲速此良農之務太
御覽資產部

凡種有強弱土有高柔土宜強高莖而疏粟
長穗而大粒初學記寶器部

忿飂焚衣其損多矣覆案意林
引作推甌而棄之所

害亦多矣意林
太平御覽飲食部

恐不知味而唾殘一切經音義三

聽清濁五聲之和然後制爲鍾律取宏農宜

陽縣金門山竹爲律管河內葭爲灰可謂同

氣 藝文類聚歲時部 太平御覽時序部

琴欲高張瑟欲下聲 文選顏延年秋胡詩注

化狐作舟 初學記器物部

若謂黃帝後方有舟楫庖犧之時長江大海

何所用之 意林

鴻毛一羽在水而沒者無勢也黃金萬鈞在

舟而浮者託舟之勢也 意林

夫工匠經涉河海爲舳舻以浮大淵皆成乎

手出乎聖意

北堂書鈔舟部

太平御覽舟部

藝文類聚舟

指南車見周公亦見鬼谷子先生

意林

給事中與高堂隆秦朗爭指南車二子云古無此車記虛言耳先生曰爭虛空言不及如試之效也言于明帝明帝詔使作之車乃成

意林

翻車先生居在京師有地作園而患無水可溉乃作翻車令童兒轉之其功百倍

意林

金以利用錢以輕流此二物飢不可食

意林

世富錢流則禁盜鑄錢世貧錢滯則禁盜壞

錢

意林

夫蜘蛛之羅網蜂之作巢其巧妙矣而況于人乎故工匠之方圓規矩出乎心巧成于手

非睿敏精密孰能著勳形成器用哉

太平御覽藝術部

部

古有阮師之刀天下之所寶貴也初阮之作刀受法于金精之靈七月庚辛見金人于冶監之門其人光色煒耀向神再拜神執其手

曰子可教也阮致之開宴設饌而問焉神教以水火之齊五精之陶用陰陽之候取剛柔之和行其術三年作刀千七七十口而喪其明其刀平背狹刃方口洪首截輕微不絕絲髮之系斫堅剛無變動之異世不愆百金精求不可得也其次有蘇家刀雖不案下有闕字亦一時之利器也次有陽紀趙青閒皆不能繼

繼

太平御覽兵部

古有阮師之刀蘇家之楯皆爲良工利器時

所寶貴也夫刀者身之寶也楯者身之衛也

禦難之藩牆守口之城池也

太平御覽兵部

幽州之騎冀州之刀勁悍之士

文選陽給事
諫注

天下之害莫害于女飾一頭之飾盈千金之

價婢妾之服亦重四海之珍

意林

馬先生綾機先生名鈞字衡天下之名巧也

綾機本五十縱五十篝六十縱六十篝先生

乃易二篝奇文異變因感而作自能成陰陽

無窮也

意林

西國胡言蘇合香是獸便中獸便而臭忽聞
西極獸便而香則不信矣

意林